


2017-imi ingerlariaqqiffiusumik ilinniakkat

2017-imi ingerlariaqqiffiusumik ilinniakkamik naammassinnissimasut ikinnerusut

2016-imiit 2017-imut ingerlariaqqiffiusumik ilinniakkami naammassinnittartut amerlassusaat 8 pct.-inik appariarsimapput. Ilinniakkamik naammassinnissimasut katillugit 244-upput. Taakkunanga 46 pct.-ii Kalaallit Nunaata avataani naammassinnittuupput. Nunani allanilu ilinniakkamik naammassinnittut amerlisut, Kalaallit Nunaanni ilinniaqqittut naammassisut ikileriarput. Ukiumut kingullermut sanilliutissagaanni ingammik 2017-imi ilinniartitsisutut ilinniarsimasut ikilerarsimapput. 2017-imissaaq inunnik isumaginnittutut najukkami ilinnialertoqannqilaq¹ – Tabeli 2 takuuk.

Piffissaq ungasinnerusoq isiginiassagaanni ingerlariaqqiffiusumik ilinniakkamik naammassisartut amerleriarujussuarput. 2005-imut sanilliullugu 2017-imi ilinniaqqillutik naammassisut 82 pct.-inik qaffariaateqarput.

Titartagaq 1. 2005-imiit 2017-imut ingerlariaqqiffiusumik ilinniakkamik naammassinnissimasut nunami ilinniarfigisamut immikkoortillugit




Najoqqutaq: Naatsorsueqqissaartarfik - Kisitsisaataavimmiittut kisitsisit takukkit (<http://bank.stat.gl/UDNISC11D>).

Ingerlariaqqiffiusumik ilinniagallit akornanni amerlanerpaat bacheloritut ilinniagaqarput, ikittuinnaallu kandidatitut ilinniarnissartik qinertarlugu.

¹ Kommunit taamaallaat ilinniarneq neqeroorutigisarpaat, taamaattumik ukiut tamaasa ilinniartunik aallartittoqarneq ajorpoq

Ineriartornerullu takutippaa kandidatitut naammassisartut amerlatsikkiartortut. 2017-imi kandidatitut ilinniarsimasut 38-upput, kandidatitut amerlanerpaat nunani allani ilinniartarput.

Titartagaq 1. 2005-imiit 2017-imut ingerlariaqqiffiusumik ilinniakkamik naammassinnittartut ilinniakkap suussusaanut immikkoortillugit



Najoqqutaq: Naatsorsueqqissaartarfik - Kisitsisaataavimmiittut kisitsisit takukkit(<http://bank.stat.gl/UDNISC11D>).

Ilinniartut pingajorarterutaat nunani allani ilinniartarput

2017-imi ilinniartut ingerlariaqqiffiusumik ilinniakkamik aallussisut 1278-iupput. Taakkunanilu 828-t Kalaallit Nunaanni ilinniartuupput, 450-illu nunani allani ilinniartuullutik. Aallussisut amerlassusaat 2016-imitut inissisimapput. 2005-imut sanilliullugu ilinniarnermik aallussisut amerlassusaat 2017-imi 77 pct.-inik qaffasinnerupput. Kalaallit Nunaanni ingerlariaqqiffiusumik ilinniarfiit alliartornerujussuaq nalaappaat.

Kalaallit Nunaanni kandidatitut ilinniarnissamik aallartittut amerlanerusut

2015-imi ingerlariaqqiffiusumik ilinniakkamik aallartitsisut qaffasinnerpaaffissaminiippoq, kisianni 2017-ip tungaanut appariatorusaarluni. Tamanna Kalaallit Nunaanni aamma nunani allani pivoq. 2017-imi ilinniakkamik aallartitsisimasut 2010-imi aallartissimasut amerlaqatigivaat.

Ilinniakkamik aallartitsisimasuni appariaat pivoq ingammik bacheloritut ilinnialersuni. Tamanna peqquteqarpoq pingaartumik ilinniartitsisutut ilinnialernissamik tigusaasut 2016-imi ikinnerummata, aamma 2017-imi najukkami inunnik isumaginninnermut ilinniarsinnaatitaanermik aallartitsisoqanngimmat. Kalaallit Nunaanni kandidatitut ilinnialernissamut aallartittut malunnartumik amerleriaateqarput. 2017-imi kandidatitut aallartittut 27-iupput 2015-imilu 15-iullutik.

Ataatsimut isigalugu

Tabeli 1. 2015-imiit 2017-imut ingerlariaqqiffiusumik ilinniakkamik ilinniartut ilinniarnep suussusaanut, naatsorsuutit inerneranut aamma nunami ilinniarfigisamut immikkoortillugit

	2015		2016		2017	
	Kalaallit Nunaanni	Nunani allani	Kalaallit Nunaanni	Nunani allani	Kalaallit Nunanni	Nunani allani
Sivikitsumik						
Ingerlariaqqiffiusumik						
ilinniakkat						
Aallartittut	57	47	72	49	72	46
Aallussisut	98	75	99	76	112	81
Naammassisut	41	20	38	23	31	26
Professionsbachelor						
Aallartittut	190	74	139	73	106	59
Aallussisut	504	175	458	168	453	146
Naammassisut	118	20	109	23	69	39
Bachelor						
Aallartittut	64	82	67	68	60	63
Aallussisut	170	151	170	161	173	146
Naammassisut	12	20	27	18	19	22
Kandidat						
Aallartittut	15	42	24	27	27	33
Aallussisut	66	83	79	77	90	77
Naammassisut	11	14	2	26	12	26

Najoqqutaq: Naatsorsueqqisaartarfik - Kisitsisaataavimmiittut kisitsisit takukkit(<http://bank.stat.gl/UDNISC11A>, <http://bank.stat.gl/UDNISC11FB>, <http://bank.stat.gl/UDNISC11D>).

Tabeli 2. 2013-imiit 2017-imut Kalaallit Nunaanni ingerlariaqqiffiusumik ilinniakkamik ilinniartutik naammassinikut ilinniakkap suussusaanut aamma ilinniakkamut immikkoortillugit

	2013	2014	2015	2016	2017
Sivikitsumik Ingerlariaqqiffiusumik ilinniakkat					
Takornariaqartitsinermi	2	5	10	11	3
Niuernermik ilinnarfik	14	11	23	22	23
Procesteknikeri	-	1	6	5	5
Palasi	-	-	2	-	-
Professionsbachelor					
Ilinniartitsisoq	30	45	41	51	21
Meeqqat atuarfianni ilinniartitsisoq - najukkami	2	-	-	-	-
Nutserineq oqaluttaanerlu	-	-	-	1	7
Tusagassioq	4	3	2	6	6
Diplomingeniør – Issittumi Teknologii	4	5	5	4	3
Peqqissaasoq	10	14	10	7	3
Inunnut isumaginnittoq	32	12	50	9	15
Inunnut isumaginnittoq – najukkami	-	-	-	20	-
Isumaginninnermut siunnersorti	2	6	10	11	7
Bachelor					
Teologi	2	2	-	1	-
Oqaasilerineq, atuakkialerineq tusagassiuutilerinerlu	3	2	5	6	5
Inuiaqatigiilerineq	2	8	2	8	6
Inuiaat kulturiat oqaluttuarisaanerallu	8	5	5	12	8
Kandidati					
Oqaasilerineq, atuakkialerineq tusagassiuutilerinerlu	1	3	2	1	2
Inuiaqatigiilerineq	1	1	7	1	5
West Nordic studies	-	-	-	-	1
Inuiaat kulturiat oqaluttuarisaanerallu	3	1	2	-	4
Katillugit	120	124	182	176	131

Malugiuk: 2014 sioqqullugu najukkami isumaginnittunnigornialersut isumaginninnermut ilinniartutik nalinginnaasumik aallartissimasut nalunaarutigineqarsimapput. Tassani pineqarput 2013-imi 14-it aamma 2015-imi 34-it isumaginninnermi najukkami ilinnialersut.

Najoqqutaq: Naatsorsueqqissaartarfik - Kisitsisaataavimmiittut kisitsisit takukkit(<http://bank.stat.gl/UDNISC11K>) .

Periaaseq

Saqqummersitaq sioqqullugu Naatsorsueqqissaartarfiup ilinniarneq pillugu kisitsisitigut paasissutissani periaaseq iluarsaqqitaq saqqummersippaa. Misissuinermi pingaartumik naatsorsuinermi periaaseq ilinniarnermik aallussisunut allanngortinneqarpoq, ilinniartoq ilinniannigiffeqarallarnermi ilinniarnermik aallussisutut ilanngunneqartarunnaarmat. Taamaammat siusinnerusukkat saqqummersittakkani kisitsisit pineqartut appariaateqarput. Taamaasilluni siusinnerusukkat tabelit naatsorsuutiniit atorunnaarsinneqarput (UDDISC11C). Ilinniartunut aallartittunut naatsorsuutit nutaat ineriartortinneqalerlutik naatsorsorneqartalerput.

Naatsorsuutit tunngaviusut

Ilinniagaqarnersiuteqartitsivimmi (USF) allaffissornikkut naatsorsuinerit tunngavigalugit ilinniarneq pillugu kisitsisitigut paasissutissat saqqummersinneqarput. Naatsorsuutitut nalunaarsukkat taamaallaat imaqarput ilinniarfinni tapiiffigineqarnissamut pisinnaatitaaffilinni ilinniartunik taamaallaat imaqarput. Naatsorsuutit Kalaallit Nunaanniittut qallunaat ilinniarfiutaat (politiit aamma isertitsivinni nakkutilliisut) aamma suliffeqarfiit nammineq ilinniarnermut programmiliussaata nalunaarsuutitut ilanngunneqanngillat.

Periaaseq

Naatsorsueqqissaartarfiup naatsorsuutit atunnginnerini kisitsisit misissoqqissaarpai, nalilersorlugit aamma suliareqqillugit.

Ilinniarluni ulloq naammassiffik tunngavigalugu ilinniartunut nalunaarsuutit ukiut tamaasa ukiut kingulliit pingasut iluarsineqartarput. Siunissami ilinniarneq pillugu kisitsisitigut paasissutissat assigiiaarnerunissaat aamma ilinniartunut nalunaarsuutit kingumoortumik iluarsineqartarnissaat eqqarsaatigalugu taamatut suleriuseqartoqarpoq.

Naatsorsuineq

Ukioq kaajallallugu ilinniarnermut kisitsisitigut naatsorsuisoqartarpoq. Kisianni ilinniarnermik aallussisut ulloq 31/12 naatsorsorneqartarput

Ilinniarneq pillugu kisitsisitigut paasissutissani ilinniagaqarnerup ingerlanera tunngaviuvoq. Ilinniagaqarnerup ingerlanera aamma inuit amerlassusaat assigiinngillat. Assersuutigalugu ilinniartoq ilinniakkamik aallartitsinnaavoq ukiumi tassani ilinniakkanilu unitsikkuniuk nutaammillu aallartitseqqilluni, taamaasilluni ilinniartoq marloriaammik aallaartittutut kisitsisinut ilanngunneqassaaq. Piffimmi tassani ilinniagaqarnerup ingerlanerani aamma ilinniartut ilinniarnermi aallussisutut naatsorsorneqarneri nalaatsornikkut pisarput.

Ilinniartuunermut kisitsisitigut paasissutissat tabelitaqarput ukuninnga imalinnik; ilinniarnerp qaffasissusaa suaassuseq aamma ukioqqortussuseq taakkunani ilinniartutik aallartittut, pimoorussisut aamma naammassisut immikkoortillugit

- Ilinniarnerp ingerlanera nunami ilinniarfigisamut immikkoortinneqarput
- Kalaallit Nunaanni ilinniarnerp atuarfinnut ilinniarfinnullu immikkoortillugit

ISCED2011

Naatsorsueqqissaartarfimmi ilinniarnermut kisitsisitigut paasissutissiaani ilinniakkat UNESCO-mi nunani tamalaani assigiissaarnermi atorneqartartoq ISCED2011 malillugu suliarineqartarput.

Naatsorsueqqissaartarfik ilinniartitaanermi uuttuutitut taaguutinik
ilinniakkat suut ilinniarfinni pineqartuni imaluunniit ISCED2011-imi
immikkoortitersimasuni takuneqarsinnaalersillugit saqqummersitsisimavoq.
Taaguutit www.stat.gl-imi Ilinniartitaanermi pissarsiarineqarsinnaapput.

Ilisarnaatinut nassuiaatit
... Paasisutissat pigineqanngillat
.. Paasisutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffissaq
Randi Mortensen
E-mail: rand@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

